

爾雅義疏

冊二



爾雅郭注義疏上之又一

棲霞郝懿行學

儼恪祗翼謹恭欽寅煖敬也

儼然敬貌書曰夙夜惟寅詩曰我孔熯矣諡未詳

釋名云敬警也恆自肅警也諡法云夙夜警戒曰敬也補正詩注引蒼頡篇曰宜得其所也是皆敬訓宜之義通作儼詩既敬既戒周禮夏官序官注引作既儼既戒儼者詩碩大且儼曲禮云儼若思毛鄭竝云儼矜莊貌離騷云湯禹儼而求合兮文選思玄賦云儼夫儼其正策兮王逸注及舊注竝云儼敬也通作儼詩柏舟傳及論語子張篇釋文竝云儼本或作嚴按釋名云嚴儼也儼然人憚之也是儼嚴聲義同恪者憲之或體也說文憲敬也引春秋傳曰以陳備三憲通作恪詩執事有恪周語云俾莫不任肅純恪也又通作恪魯峻碑云敬恪恭儉肅堯碑云若不虔恪



魏修孔子廟碑云追存二代三恪之禮蓋恪卽憲之
異文恪又恪之省文耳祗者說文云敬也書金縢云
罔不祗畏史記魯世家作罔不敬畏費誓云祗復之
魯世家作敬復之通作振書曰嚴祗敬六德史記夏
紀祗敬作振敬內則云祗見孺子鄭注祗或作振振
祗聲相轉也翼者詩有嚴有翼以燕翼子以引以翼
毛傳竝云翼敬也常武傳云翼翼敬也釋訓云翼翼
恭也恭亦敬故詩文王傳云翼翼恭敬蓋兼用詁訓
二文也逸周書程典篇云慎下必翼上周語云翼其
上也翼皆訓敬通作翺論語云趨進翼如也說文作
趨進趨如也又通作翺漢書禮樂志云共翺翺集注
共讀曰恭翺翺敬也是翺卽翼矣諺者禮之段音也
詩克禋克祀毛傳禋敬也本爾雅左氏桓六年傳云
以致其禋祀杜預注禋絜敬也與孫炎義同俱本毛
傳爲訓也通作閭廣雅云閭閭敬也又云嘗嘗語也
一切經音義十二云閭古文嘗同又通作言玉藻云
二爵而言言斯鄭注言言和敬貌是言閭禋俱聲義
同恭者說文與敬俱訓肅也恭敬義同經典對文則

少儀云賓客主恭祭祀主敬鄭注恭在貌也而敬又
在心若散文則敬亦爲恭恭亦爲敬故諡法云敬事
供上曰恭夙夜恭事曰敬是二義互相訓也釋名云
恭拱也自拱持也亦言供給事人也亦二義相兼通
作共書愿而恭史記夏紀作愿而共詩匪其止共韓
詩作匪其止恭經典恭共通者非一舉此二文其餘
皆可知也又通作龔書象恭滔天漢書王尊傳作象
龔滔天恭行天之罰梁元帝告四方檄云龔行天罰
又通作供老子注云非唯恭其乏而已釋文恭一作
供荀子修身篇云行而供龔楊倞注供恭也皆其證
也欽者書欽若昊天五帝紀藝文志竝作敬順昊天
諡法云威儀悉備曰欽書堯典正義引鄭注云敬事
節用謂之欽蓋擗節退讓與攝以威儀斯皆恭敬之
實也寅者寅之段音也說文云寅敬惕也漢書集注
引書曰寅亮天工敘傳云寅用荆名文選永明九年
策秀才文云寅奉天命李善注引爾雅曰寅敬也通
作寅逸周書祭公篇云寅哉寅哉孔晁注寅敬也煖
者難之段音也說文云難敬也本爾雅通作煖詩我

孔熯矣毛傳熯敬也說文亦引此句而云熯乾兒熯
無敬意故徐鍇繫傳以漢爲難其說是也蓋難从難
聲熯从漢省漢又从難省故聲同字通又通作難禮
儒行云儒有居處齊難難卽難之省俗齊難猶言莊
敬鄭注以爲齊莊可
畏難也似失之矣

朝旦夙晨晏早也

明也

說文云早晨也从日在甲上案甲木也木之尤高者
日在其上是早也詩云杲杲出日故日在木上曰杲
日在木下曰杳杳冥也杲明也杲與早聲義近老子
云是謂早服河上公注早先也齊策云早救之高誘
注早速也按今人謂及早爲卽速速猶夙也夙卽早
也通作蚤士相見禮云問日之早晏鄭注古文早作
蚤詩四之日其蚤王制注作四之日其早又早起孟
子書作蚤起皆其證矣朝者說文云旦也从軌舟聲
虞翻易訟注云日在甲上稱朝與說文訓早義合鄭
注祭義云朝日出時也通作調詩怒如調飢毛傳調

朝也又通作朝汝墳釋文調張畱反又作朝音同說
文心部引詩正作朝飢又通作鼃說文鼃讀若朝杜
林以爲朝旦非是楚辭哀郢篇云甲之鼃吾以行王
逸注鼃旦也文選上林賦注及漢書注竝云鼃古朝
字又通作晁漢書景帝紀注晁古朝字文選羽獵賦
云於是天子乃以陽晁李善注朝晁古字同俱杜林
所本也旦者說文云明也从日見一上一地也按日
出地上曰旦旦日入氏下曰昏二者意亦同也詩葛生
東門之枌箋板傳竝云旦明也經典或言旦明或言
旦夕少牢饋食禮云旦明行事鄭注旦明旦口質明
管子小匡篇云旦管從事於此尹知章注旦管猶朝
夕也夙者夙之俗體也說文云夙早敬也从夙持事
雖夕不休早敬者也通作夙詩禮內凡言夙夜夙興
者非一傳箋及注竝云夙早也又通作宿說文夙古
文作宿宿从此故逸周書寤微篇云戒惟宿孔晁注
宿古文夙蓋宿有久舊二義又有豫先二義然則久
次舊故皆人之早也豫期先定皆時之早也又通作
肅詩生民箋云夙之言肅也蓋夙與速聲義同又肅

速上文竝訓疾也疾速亦皆爲早
云早昧爽也从臼从辰辰時也辰
辰爲晨皆同意釋名云晨伸也日
詩庭燎箋晨明也周禮司寤注曷
晨注晨早朝也漢書律麻志引左
晨作丙子之辰蓋辰卽晨耳峻者
夜浚明有家史記夏紀作蚤夜翊
釋言云翊明也史記訓浚爲翊且
淺俗見浚訓明因作日旁爰之字
傳訓浚爲須尤乖雅義此古訓不
駿上文云駿速也速卽早意

頌族瞽戾底止俟待也

書曰俟我

說文云待族也从寺聲案待从寺
切或直里切今讀徒改切非古立
者說文云俶待也俶从待其義與
待爲然凡从寺之字讀皆寺聲也

供峙其具也具謂備具峙既訓具故待亦爲具周語
注待猶備也齊策注待猶共也周禮大府外府注並
云待猶給也給其備皆爲具是待與侍聲義同之證
也知待讀祥吏切者古讀侍待皆同聲也老子云
萬物恃之而生河上公注恃待也呂覽無義篇云不
窮奚待高誘注待侍也義旣互訓字亦互通故老子
釋文恃河上本作侍呂覽審時篇注云恃或作待禮
雜記注待或爲侍儀禮士昏禮注云今文侍作待莊
子田子方及漁父篇釋文並云待或作侍是侍與待
聲義同之證也待又通時與持見易釋文及儀禮注
然則古讀待不作徒改切明矣頌者說文云待也通
作須士昏禮云某敢不敬須士喪禮云擯者出告須
鄭注並云須待也又通作需易彖傳云需須也莊子
大宗師篇云聶許聞之需役釋文引王云需待也是
需須古字通矣者說文云待也通作俟釋文云俟字
又作俟詩靜女相鼠著毛傳及儀禮鄭注並云俟待
也又通作𡵓說文俟或从巳釋文云俟亦作𡵓蓋𡵓
卽𡵓字之譌也又通作立鄉射禮及大射儀注並云

今文俟爲立又通作待大射儀注云今文俟作待又
通作俟列子楊朱篇殷敬順釋文云俟一本作俟替
者下文云止也釋言云廢也說文云廢一偏下也隸
變作替毛鄭亦皆作替而訓廢蓋廢有止義止有待
義故又訓待也說文替从亼聲亼與自同或从曰作
替或从𠂔作替魏三體石經書大誥云不敢替作不
敢替本於說文也又通作秩或作載少牢饋食禮云
勿替引之鄭注古文替爲秩秩或爲載載替聲相近
案替今他計切秩直一切載他結切則聲相近轉矣
今本儀禮秩作袂字之誤也戾底下文竝云止也戾
上文云至也至止聲近止待義同故訓止之字又多
訓待替戾底皆是也戾者止之待也聲轉爲客禮大
學注戾或爲客客通作遴說文口部引易曰以往客
是部引作以往遴遴行難也然則行難與止義近止
卽待矣底者至之待也釋言云底致也致亦至也止
者息之待也止訓至也居也處也畱也皆休息之義
休息亦待之義故禮記檀弓云吉事雖止不怠鄭注
止立俟事時也此卽止訓待之意也止通作戴左氏

僖五年經云會王世子于首止公羊穀梁作首戴案
戴古讀如蓄故與止通矣僖者說文云待也郭引書
曰僖我后孟子作僖我后趙岐注僖待也郭云今河
北人語亦然者據時驗也今東齊人亦曰僖待又今
語謂待爲等等
卽待聲之轉也

噉幾裁始危也

幾猶始也
噉裁未詳
幾汽也
謂相摩近

釋名云危阨也阨阨不固之言也說文云危在
懼也从厃𠂔𠂔自冂止之案厃屋椳也故喪大記云
中屋履危史記魏世家云座因上屋騎危鄭注及裴
駟集解竝云危棟上也然則危猶畏也高而生懼故
女在下一下爲安人在屋上爲危危者安之對也危通
作厄見易渙釋文又通作僂見左傳僖廿八年釋文
又通作僂見莊子繕性篇釋文皆以聲爲義也噉者
說文云危也龍龕手鑑二引爾雅雅舊注云噉事之危
也釋文云噉郭音聿施音述今案噉通聲同皆兼聿述
二音然則噉之爲言恍也恍以恐懼爲義懼卽危之

訓也三蒼云詭譎也廣雅云譎詭也詭與危譎與
竝以聲爲義也幾者說文云微也始也从𠂔从戌
兵守也𠂔而兵守者危也詩維其幾矣周語云而王
幾頓乎荀子堯問篇云女以魯國驕人幾矣傳注竝
云幾危也幾又訓微微亦危也故荀子解蔽篇云危
微之幾是幾兼危微二義聲轉爲近易中孚釋文幾
京作近又轉爲矜詩居以凶矜傳矜危也矜近幾俱
以雙聲爲義也裁者與災同災訓害與危義近經
典多通作蓄蓄災聲同也釋地云田一歲曰蓄郭注
初耕地反草爲蓄孫注蓄音災始災殺其草木也是
災蓄音義同危之爲言以相摩切迫近爲義然則蓄
从草田是田之危也灾从火𠂔是𠂔之危也蓄與廁
側古書俱相通俗廁側皆訓邊也近也則與危之義
又同矣災亦爲蓄蓄亦爲側公羊昭廿五年傳以人
爲蓄何休注蓄今太學碑雍作側字然則蓄側聲義
同此亦其證也始者說文云危也禮記大學注及論
語包咸注竝云始危也檀弓云夫子始將病也又云
不始於用矧乎哉鄭注竝云始幾也幾亦近也故詩

無小人始易繫辭云其始庶幾乎鄭箋及侯果注竝
云始近也○譏卽幾也又訓汽者汽近也爾雅蓋卽
汽之爲近以明危之亦爲近故復申釋其義也譏从
幾聲譏𡗗_近譏_𡗗玉篇竝云危也說文云譏𡗗也譏
事之樂也徐鉉以爲說文無𡗗字當是譏字之誤今
案當爲汽字作譏亦誤也說文譏訓止汽訓水涸竝
从气聲但汽兼涸止二義水涸盡則近於地故汽又
訓近也詩汽可小康毛傳汽危也鄭箋汽幾也正義
引孫炎曰汽近也不同意者爾雅下文云幾近也此云
幾汽也知汽卽近矣毛訓汽爲危義猶未顯故鄭申
之訓汽爲幾然後知汽幾卽譏汽又知爾雅之譏蓋
幾之段偆也漢書元帝紀引詩作迄可小康迄亦汽
之段偆也幾通作豈孟子云其好惡與人相近也者
幾希趙岐注幾豈也荀子大略篇注亦云幾讀爲豈
史記黥布傳云幾是乎集解徐廣曰幾一作豈索隱
引楚漢春秋作豈是乎是豈幾通幾皆音祈也幾近
汽俱
雙聲

治肆古故也

治未詳肆
占見詩書

肆故今也

肆既為故又為今
亦為故故亦為今此

義相反而兼通者事
例在下而皆見詩

說文云故使為之也楚辭招魂篇注故古也蓋故有二義訓古者今之對也訓使為之者以人所有事也爾雅之故亦兼二義知者招魂篇云樂先故些王逸注故舊也穀梁襄九年傳云故宋也范甯注故猶先也先舊義俱為古也是皆故訓古之證墨子經上篇云故所得而後成也即說文故使為之之意公羊昭卅一年傳云習乎邾婁之故周語云且無故而料民何休及韋昭注竝云故事也是皆故訓事之證通作固固之為言猶故也見儀禮禮記注論語云固天縱之將聖論衡知實篇固故作故周語云而咨於故實史記魯世家故作固皆其證也治者值之故也釋名云治值也玉篇云修治也除之除冀二切爾雅之治亦兼二音故釋文治如字施直吏反治與事聲義近故呂覽論人篇云事心乎自然之塗淮南俶真篇云事

其神者神去之高誘注竝云事治也事訓治治亦訓
事事卽故字之訓也通作始孟子云始條理也孫奭
音義云本亦作治條理也是治始通始訓古也先也
舊也舊久義俱爲故也肆者陳之故也肆訓陳陳訓久也
毛傳肆固也鄭箋固當爲故是也詩書者詩肆其端之
東征漢書翟方進傳作故子大以爾東征肆訓爲遂
故書云肆類于上帝肆觀東后史記五帝紀肆俱作
遂楚辭天問篇云遂古之初遂亦肆也肆有申遂之
義故亦申事之詞然則經典凡言是故者卽肆故也
或言是以者卽遂以也又言所以者亦是也以也皆申
事之詞也肆遂是所俱一聲之轉也古者說文云故
也从十口識前言者也玉篇云古久之言也詩逝不
古處古訓是式傳竝云古故也縣傳又云古言久也
久舊亦故也廣雅云古始也始亦治也治亦故也○
今者說文云是時也从△从丁古文及按今不古
也已故爲古及時爲今△會及時之意故云是時也
文選南都賦注引蒼頡篇曰今時辭也詩迨其今兮

傳今急辭也然則今爲急辭卽知故爲緩辭矣肆訓故又訓今者肆遂也遂有緩義亦有急義緩義爲故急義爲今也肆亦有緩急二義書管茨肆赦肆訓緩也詩是伐是肆肆訓疾也由斯以談凡言是故者舒緩之詞也凡言卽今者急疾之詞也字有二義因有二訓然則肆旣爲故又爲今無足怪矣詩縣及思齊毛傳竝云肆故今也大明及抑鄭箋亦云肆故今也俱故今二字連文郭讀斷開非毛鄭意也所謂故今者卽肆今也肆今猶肆古也肆古之聲變爲是故肆今之聲亦變爲斯今詩匪今斯今是也斯今又聲變爲自今詩自今以始是也經典或言迄今或言及今或言至今竝字異而義同郭云事例在下者見下文

惇亶祐篤擊仍胝埤竺腹厚也

賁祐篤擊仍胝埤竺腹厚也
擊然厚貌餘皆見詩書
說文云廩山陵之厚也从皀
皀从皀省所高在上也故易曰公用亨于天子廩从

反高所厚在下也故易曰上以厚下安宅然則厚者
上益下也易曰損下益上曰損損上益下曰益故厚
爲增益之義也至厚莫如地易曰坤厚載物故說文
云古文厚作垺从后土后土卽地矣厚猶多也又訓
重也重且多則大矣故墨子經上篇云厚有所大也
通作後也是後厚同又通作后后卽屋字之省也惇者
終後也是後厚同又通作后后卽屋字之省也惇者
說文作惇云厚也書云惇德史記五帝紀作厚德禮
記內則云惇史鄭注惇史史惇厚是也通作敦詩王
事敦我曲禮云敦善行而不怠樂記云及夫敦樂而
無憂毛傳鄭注竝云敦厚也宣者藏之厚也說文云
多穀也上文云信也誠也誠信與惇厚義近周語引
詩宣厥心而釋之云宣厚也通作單詩單厥心及俾
爾單厚毛傳竝云單厚也桑柔正義引某氏曰詩云
俾爾宣厚又通作俾逢天俾怒毛傳俾厚也正義云
俾宣音相近義亦同釋文云俾本亦作宣左傳正義
引樊光曰詩云逢天宣怒又通作燁呂覽重已篇云
衣不燁熱高誘注燁讀曰宣宣厚也祐者上文云福

也福與厚義近故一切經音義二引爾雅舊注云祐謂福厚也賈子容經篇云祐大福也大與厚義相成也篤者管之段音也說文云管厚也从竹聲讀若篤經典通作篤上文云篤固也固厚義近詩椒聊大明皇矣公劉傳箋竝云篤厚也通作毒書天毒降災荒殷邦史記宋世家作天篤下災亾殷國擊者上文云固也又訓厚者擊之爲言堅也又言腆也腆訓豐滿堅訓密緻皆有厚意故又訓厚矣仍者訥之段音也說文云訥厚也通作仍下文云仍因也廣雅云仍頻也小爾雅云仍再也周語注仍數也漢書注云仍頻也俱與厚義近又通作仍釋文仍本或作仍又轉爲仁仁亦厚也論語云仍舊貫釋文引鄭注魯讀仍爲仁今從古毗者說文作臙或作毗云牛百葉也經典毗毗通用詩福祿臙之毛傳臙厚也釋文引韓詩作毗義亦同又通作毗天子是毗毛傳毗厚也鄭箋毗輔也輔厚義亦相成也埤者增之厚也說文云埤增也詩政事一埤益我毛傳埤厚也通作臙說文云臙益也廣雅云埤益也是埤臙通又與毗通詩節南山